

ELEMENTUM III.

De Angulis, & Lateribus Triangulorum.

103. THEOR. *Cujusvis trianguli tres simul anguli duos efficiunt rectos.*

F. DEMONST. Cuivis lateri A B per angulum oppositum I ducatur parallela VS: erit $V+I+S=180$ gr. (47) jam $V=A$, & $S=B$ (81) ergo $A+I+B=180$ gr. (22) q. e. d.

104. COROL. I. Summa angulorum unius trianguli æqualis est summæ angulorum alterius trianguli.

105. COROL. II. Si nota est summa duorum angulorum ; tertius invenitur summam duorum subtrahendo ex 180 gr. : simili modo, si unus innotescat, invenitur summa duorum reliquorum.

106. COROL. III. In quovis triangulo duorum quorumvis angulorum summa minor est duobus rectis.

107. COROLL. IV. Si unus trianguli angulus *rectus* est, duo reliqui sunt acuti, & simul sumpti unum rectum efficiunt.

108. COROL. V. Si unus trianguli angulus *obtusus* est; duo reliqui sunt acuti, & simul sumpti uno recto minores.

109. COROL. VI. Si unus trianguli angulus æqualis est summæ reliquorum; is *rectus* est.

Corol.

110. COROL. VII. Si summa duorum in uno æqualis est summæ duorum in altero triangulo; etiam tertius est tertio æqualis: & si unus in uno æqualis fuerit uni in altero triangulo; summæ etiam reliquorum æquales erunt.

111. DEF. *Externus* figuræ angulus est, qui uno latere produc̄to oritur extra figuram: *interni* huic *oppositi* sunt illi, quibus non est *deinceps* *positus*.

112. THEOR. *Quovis trianguli latere produc̄to, externus angulus C æqualis est summæ duorum internorum oppositorum A + I.*

DEMONST. $A + I + B = 180$ gr. (103)
 $\& B + C = 180$. gr. (40) ergo $A + I + B = B + C$ (51) itaque $A + I = C$ (21) q. e. d.

113. COROL. Externus angulus major est quovis interno opposito seorsim sumpto.

114. THEOR. *Duorum quorumvis trianguli laterum summa AC + BC major est latere tertio AB.*

DEMONST. AB recta est linea (33) proinde $AC + BC$ recta non est (7) igitur $AC + BC > AB$ (4) q. e. d. F. 15.

115. DEF. Triangulum, cuius duo sunt latera æqualia, æquicrurum, græcè *Iſosceles*, vocatur.

116. THEOR. *In triangulo æquicrurro anguli, qui æqualibus lateribus opponuntur, æquales sunt.*

B 5

Demonst.

DEMONST. Sit $AC = BC$: dico,
erit $A = B$. Angulum enim tertium C
bifariam dividat recta DC : in triangulis
 ACD & BCD erit $AC = BC$, $DC =$
 DC , & angulus $ACD = BCD$: ergo
 $A = B$ (36) q. e. d.

117. **DEF.** Triangulum *æquilaterum*
est, cuius omnia latera sunt *æqualia*.

118. **COROL.** I. Triangulum, quod
æquilaterum est, est quoque *æquicrurum* :
ad eoque in *æquilatero* etiam triangulo,
qui *æqualibus* lateribus opponuntur an-
guli, *æquales* sunt (116)

119. **COROL.** Omnes ergo in *æqui-*
latero triangulo anguli sunt *æquales*.

120. **COROL.** III. Et quia trium an-
gulorum summa continet duos rectos,
seu 180 gr., his trifariam divisis patet,
quemlibet trianguli *æquilateri* angulum
continere 60. gr.

121. **PROBL.** Super data recta AB
triangulum *æquicrurum* construere.

SOLUTIO I. Centris A & B radiis
quibusvis, sed *æqualibus*, AC & BC,
scribe duos arcus se secantes. II. Ex A
& B ad punctum sectionis C ductæ re-
ctæ AC & BC facient ABC *æquicru-*
rum (115)

122. **COROL.** I. *Æquilaterum* trian-
gulum eodem modo feceris, si arcus du-
xeris radiis rectæ AB *æqualibus*.

123. **COROL.** II. Quia quilibet trian-
guli

guli æquilateri angulus continet 60 gr.
(120) patet, quâ ratione solo circino &
regulâ fieri queat angulus 60 graduum.

124. PROBL. In extremo punto re- F.
ctæ AB (quæ defectu spatii produci ne- 16.
queat) perpendicularē ducere.

SOLUTIO I. Super AB factriangulum
æquilaterum ABL (122) II. Late-
re BL produc̄to fac OL = AL. III. Du-
cta ex O in A recta OA est perpendicu-
laris.

DEMONST. Quia quilibet æquila-
teri angulus = 60 gr. (120) erit LAB +
LBA = 120 gr. : sed OLA = LAB +
LBA (112) ergo OLA = 120 gr. (22)
jam quia OL = AL ex constr., erit AOL
æquicurum (115) unde angulus AOL =
OAL (116) sed AOL + OAL + OLA
= 180 gr. (103) ex his ergo si subtra-
hatur OLA = 120 gr., relinquuntur
AOL + OAL = 60 gr., adeoque OAL
= 30 gr., cui si addis LAB = 60 gr.
(120) erit OAL + LAB = OAB = 90
gr., qui proinde rectus est (43) & hinc
OA perpendicularis (58) q. e. d.

125. THEOR. Cujusvis trianguli ille
angulus major est, qui opponitur majori
lateri.

DEMONST. Sit OB > AB : dico,
erit etiam angulus OAB > AOB, Nam
ex OB abscindatur pars BL = AB : du-
cta AL erit ABL æquicurum (115) &
angulus

angulus LAB = ALB (116) sed ALB
 $> AOB$ (113) ergo etiam LAB $> AOB$,
 (22) à fortiore igitur LAB \dagger LAO $>$
 AOB , id est OAB $> AOB$. q. e. d.

126. COROL. I. Vicissim illud trian-
 guli latus erit majus, quod majori oppo-
 nitur angulo.

127. COROL. II. In quovis igitur tri-
 angulo æqualia latera æqualibus oppo-
 nuntur angulis, & vice versa.

128. COROL. III. Triangulum, quod
 duos habet æquales angulos, æquicru-
 rum est: quod tres, æquilaterum.

129. AXIOMA. *Quod majus est ma-
 jore, etiam majus est minore.*

130. THEOR. Si ab extremis pun-
 etis unius lateris ducantur rectæ AC &
 BC intra triangulum concurrentes; erit
I. reliquorum laterum summa AO \dagger OB
 major, quam illarum summa AC \dagger CB.
II. Angulus vero ACB $> AOB$.

DEMONST. AC in L producātā erit
 CL \dagger LB $> CB$ (114) ergo additā utri-
 mque AC, fiet AL \dagger LB $> CB \dagger AC$.
 Rursus AO \dagger OL $> AL$ (114) ergo ad-
 ditā utrimque LB, fiet AO \dagger OB $> AL \dagger$
 LB. Igitur à fortiore AO \dagger OB $> CB$
 \dagger AC (129) q. e. 1. Deinde angulus
 ACB $> ALB$, & ALB $> AOB$ (113)
 igitur ACB $> AOB$ (129) q. e. 2.

131. PROBL. Metiri distantiam BO,
 si ad solum punctum O liceat accedere.

Solutio

SOLUTIO. I. In O fixo baculo, continuetur recta BO versus C (6) II. Per O duc rectam AD, & fac AO=DO.
III. Fixis in A & D baculis, metire angulum A (98) eique fac aequalem D (99) cuius crus DC, ubi rectam BC secat in C, fige baculum. IV. Metire rectam OC: haec enim distantiae BO aequalis est.


F.

17.

DEMONST. $A \hat{=} D$ ex constr., $AOB \hat{=} COD$ (54) & $AO \hat{=} DO$ ex constr., ergo $BO \hat{=} OC$ (37) q. e. d.

132. **PROBL.** Metiri angulum inaccessum AOB.

SOLUTIO. I. Crura AO & BO continentur versus C & D (6) II. Fixis in C & D baculis, metire angulos C & D (98) III. Horum summam subtrahe ex 180: relinquetur angulus COD (105) cui aequalis est AOB (54) q. e. i.



ELEMENTUM IV.

De Quadrilateris, & Triangulis.

133. **DEF.** *Quadrilaterum* dicitur superficies plana, cuius perimeter quatuor sunt taxata rectis lineis ad quatuor angulos conjunctis constat. Recta ab uno angulo ad angulum oppositum ducta diagonalis appellatur.

134. **THEOR.** *Omnis quadrilateri quatuor anguli simul sumpti valent quatuor rectos.*

Demonst.